

1482, 18 novembre - Peillac

Prise de possession de la terre de La Ville-Caro située dans la paroisse des Foulgerêts par Vincent Mancel.

AD56, 280 J 324

/1/ Nous Pierre Salmon, Jehan Odie, Vincent Odie et chacun notaires et tabellions de la court de Rieux /2/ à Peillac, certifions à qu'il appartient que en ce jour à requeste de Guillaume Mancel et Vincent Mancel, nous /3/ suymes transportez à la meson et manoir de La Ville-Caro estante en la parroisse des Foulgeretz, lequel /4/ Guillaume Mancel a congnu et confessé en notre presence que par avant cestz heures, il avoit transporté /5/ heritelement pour luy et ses heirs audit Vincent Mancel pour luy et les siens heirs, ladite meson, /6/ manoir et demaine dud'it lieu de La Ville-Caro o¹ toutes et chacunes ses appartenances tant mesons, rues, /7/ exues, vignes, voliers, jardrins, bouays, demaynes, prez, pastures, moulins, estancs, rentes par deniers, /8/ dismes, oboissances, corvees, poulles, chappons, avoines, landes, frostz, preminences d'eglise, chapelle /9/ et aultres droitz heritieux quelxconques appartenans et qui appartiennent audit Guillaume /10/ Mancel en ladite parroisse des Foulgeretz, le tout pour le tout² generallyment ; et avoit promis ledit /11/ Guillaume Mancel en faire audit³ Vincent Mancel garantage et luy en baillez et livrez la /12/ pocession reelle quel Guillaume Mancel enfournissant ad ce que dessus et à la pocession qu'il avoit /13/ promis bailler audit Vincent Mancel, celui Guillaume Mancel a baillé et livré audit⁴ Vincent /14/ Mancel la pocession dud'it hostel, manoir et demayne de La Ville-Caro o⁵ toutes et chacunes ses appartenances /15/ par la baillee que luy a fait celui Guillaume des corroueilz et cleffs des huys d'icelle /16/ meson et des corroueilz et cleffs des huys de moulins à eau et à vent dud'it lieu de La /17/ Ville-Caro, et par l'entree qu'il a fait en icelles choses. Et ont esté presens davant nous Guillaume /18/ Labart à present metaier dud'it lieu de La Ville-Caro, Perrot Daniel à present moulmier desdits moulins /19/ et chacun d'eulx lesqueulx et chacun ledit Guillaume Mancel a atourné et aviré avecques ledit /20/ Vincent Mancel et s'en sont ceulx Daniel et Lebart atoumez et avirez de fait avecques /21/ ledit Vincent Mancel parmy ce que ledit Guillaume Mancel les a quictez desdites fermes /22/ et chacune sauff à passez des levees du temps passé desdits moulins entre ledit Guillaume /23/ Mancel et ledit Daniel ; et pareillement a celui Guillaume Mancel congnu qu'il avoit transporté /24/ audit Vincent sa part du bestiaill de ladite metairie et en a atourné ledit Lebart avecques ledit /25/ Vincent Mancel et en a quicté ledit Labart par tant le baillant audit Vincent Mancel, /26/ et a baillé en notre presence celui Vincent Mancel auxdits Labart et Daniel lesdites [fer]mes /27/ de la metairie et moulins à les tenir ceulx Daniel et Labart durant le plesir [dud'it] /28/ Vincent Mancel, et pour valloir

¹ Signe utilisé pour le mot « avec ».

² « sans » qui suit, raturé.

³ « Manc » qui suit, raturé.

⁴ « Mancel » qui suit, raturé.

⁵ Signe utilisé pour le mot « avec ».

que estre debvra, en avons baillé cestz *presentes* signees de /**29**/ notz signes manue^{ux} le diz
ouyttiesme jour de novembre l'an mill IIII^c quatre vignts /**30**/ deux.

[signé :]

Pierre Salmon, passé

Jehan Odie, passé et voir est

Vincent Odie, passé

Archives départementales du Morbihan